

元文類


一之五


| |
|-----|
| 漢書門 |
| 三 |
| 八 |
| 四 |
| 七 |
| 號 |
| 函 |
| 架 |
| 冊 |

| |
|------|
| 內閣文庫 |
| 漢書 |
| 三 |
| 八 |
| 四 |
| 七 |
| 號 |
| 冊 |
| 架 |
| 冊 |

| | |
|------|----------|
| 內閣文庫 | |
| 番號 | 漢 3847 |
| 冊數 | 10 (1) |
| 函號 | 362 48 |

加藤





國朝文類序

者自策書簡牘下及星曆卜祝之文屬于太史故三墳五典八索九丘在焉書與易皆是也而春秋出焉教于國都列里者詩禮樂而已矣觀民風者采詩謠以知俗觀禮樂以知政亦集于太史後之學者攷六藝之辭發而為文章是故文章稱西漢託宣宗左氏司馬子長與世年變其間必有名者出焉

國初學士大夫祖述金人江左餘風車書大同風氣一至於大德之間庠序與禮樂咸造于延祐以來極盛矣大凡國朝文類合金人江左以攷國初之作述至元大德以觀其成定延祐以來以彰其盛斯著矣網羅放失采拾名家最以載宣宗首文章次之華習又次之表夏稱辭者則讀而知之者存焉伯備於是亦勸矣哉固忠厚之道也文章之體備矣因類物以知好尚

淺草文庫



本數乘以知情性。緯賦第一。備六体。兼百代。萃粹其言。樂章古今。詩第二。本誓命。細訓誥。申重其辭。以憲式天下。萬世則之。詔冊制命第三。人臣告猷。日日猷納。有奏有諫。有慶有謝。奏議表。牋第四。物有体。以生義。以寓勸戒。褒述箴銘頌贊第五。聖賢之。必有功德。壹業立於天下。後世法象之。古今聖哲碑第六。核諸實。顯諸華。合斯二者。不誕不俚。記存第七。東蘊之發。曲然恢徹。其辨。不動者鮮矣。書啓第八。物觸則感。則思。則辯。則不可遏者。裨于道。雜說題跋第九。有事有訓。有言有假。有類不名一體。雜著第十。朝廷以群造士。先生以導學者。徵諸古策。同第十。一。爾雅其言輝々。然歸其辭。其事宣妥。諸雜文第十。二。累其行事。不慙遺之意。其辭懋。哀辭謚議第十。三。其為人。也。沒而不存矣。備述之。始終之行狀第十。四。其為人。也。沒而不存矣。志其大者。遠者。揭相大臣。有彝鼎之鑑。夫丈夫庶人。及婦人女子。亦得以沒而不朽者。因其

可褒而褒焉。以為戒勸焉。墓志碑碣表傳第十。五。總七十卷。出入名家。總若干人。是則史官之職也。史必有叙。故是也。史自孔子刪定六藝。書于春秋。守在儒者。自史官不世。其業而一代之載。往往敬於人間。士之生有幸不幸。其學有傳不傳。日遷月化。簡札埋沒。是可歎也。伯脩三為史氏。而官守格限。遂以私力為之。蘇君未爵。伯脩其字也。世為真定人。先世咸以儒名。咸如先生。允遠歷學。著大明歷算法篇。以稽其繆。史部中府君。以枚頭。至伯脩而益啓之。伯脩博學而文。詠書無所不讀。討求國朝故實。及近代逸史。最詳。定著君臣復略若干卷。適會紀年若干卷。并為曼書。非有補益于世道者。不為也。自翰林脩撰。為南行臺御史。令為監察御史。元統二年夏四月戊午朔。文林郎江南諸道行御史臺監察御史南鄭王理序。

國朝文類序

元氣流行乎宇宙之間其精華之在人不能不著者發而為文章焉然則文章者固元氣之為也徒當前人制作之工拙而不知其知出於天地氣運之盛衰豈知言哉蓋當考之三代以降惟漢唐宋之文為特盛就其也而論之其特盛者又何其不能多也今數百年之久天地氣運難盛而易衰方若此斯人之榮悴繁可知矣先民有言曰三光五嶽之氣分大音不究必混一而後大振焉哉乎其言之也昔者北南斷裂之餘非無能言之人駸駸於一時顏性之固於是氣之衰其言荒粗善冗每足起發人意其中有若不為是氣所囿者則振古之豪華非可以世論也我國家奄有六合自古稱混一者未有如今日無所不一則天地氣運之盛每有盛於今日者矣建國以來

列聖繼作以忠厚之風涵育萬物鴻生雋老出於其間作為文章

飛蔚光壯前世陋靡之風於是乎盡變矣孰謂斯文之與不有聞
於天地國家者乎翰林待制趙郡蘇天爵伯脩慨然有志於此以
為秦漢魏晉之文則收於文選唐宋之文則載於文粹文鑑國
家文章之盛不采而彙之特選散軼沉沒赫然休光弗耀於將來
非當務之大缺者歟乃蒐撫國初至今名人所作若歌詩賦項
銘贊序記奏議雜著書說議論銘誌碑傳皆類而發之積二十年
凡得若干首為七十卷名曰

國朝文類百年文物之英盡在是矣然所取者必其有繫於政治
有補於世教或取其雅製之足以範俗或取其論述之足以輔翼
史氏凡非此者雖好弗取也史人莫不有所為於世顧其用心何如
耳彼為身謀者窮晝夜所為將無一爰出於其私心之外至有為
人子孫欲其先世所可傳者漠然曾不推有以見斯文之所以盛
亦足以見伯脩平日之用心矣伯脩學博而識正自為成均諸生
不加意違及它人之文與天下之事哉覽是編者

以至歷官翰苑凡前言往行子當世之所可述者無不筆之簡冊
有國朝名臣事略子是編並著廷論以文類猶未流布於四
方也杉文江浙行者錄諸梓伯脩使旅書所以纂輯之意于編端
庶幾同志之士尚相與博采而嗣錄之元統二年五月五日將仕
佐郎國子助教陳旅序

國朝文類卷第一

賦

琴賦

熊朋來

庖犧氏之創物兮始弦桐以為琴
秦離三之虛中兮戴九梁而洞越
弦大行之五十兮不勝悲而半析
浩朱襄之飄兮牽五弦於士達
瞽三之為十有五兮重華作而增
八灑有查弦兮或二十而竊七
必五五而迺定兮與天數以為一
紛弦樂之殊名兮皆放此而後出
夫是以稱樂器之宏兮莫敢擬大
而度長歷炎黃而陶唐兮為咸池
之大章韶以詠而永言兮聲依永
乎賡敬之明良及周兮為雲和兮
友之以龍門空桑想夫制作之妙
伶倫吹篴后夔拊手晏龍度左公
輸斲石其長為黃鐘者九兮倍其
九以為有也其商為頌琴兮其宮
以為雅奏也夫惟琴聲者歌聲之
所王弦二十有五兮旋宮具也七
弦相為律兮審弦五也

鳳和鳴兮其句也鷹行飛兮其挂也歌必取琴兮既歌而語也
徒歌曰詒兮徒鼓琴曰步也恒為堂上之樂兮執侍在下也名
其登歌之器兮無故不具也琴教廢則歌詩者莫之為譜也是
以聖門至稱於琴自琴以降豈無他弦而有所不必言乎胡不
觀於魯論乎孺悲之所聞點酒之侍坐由也之在門弦歌之聲
託琴以傳又不觀於國風之唐秦乎唐有山樞秦有車鄰啓身
言乎鼓琴不見刪於聖人胡不觀文王之廟祀乎一倡三嘆應
弦如見歌呼於穆遺聲盈耳升歌示德舍琴曷以又不觀於周
公之禮經乎飲射賓燕禮盛樂備登歌在堂間歌在陞或以琴
二或以琴四堂上佑歌惟琴而已若西騶虞首問若疊奏鄉
樂惟意二南先後燕有房中弦樂學有宵雅之肆教皆主於琴
而他弦莫侑比古人之所甚重今人之所駭笑也自韓非之妄
論齊人之見擯秦蒙將軍剖之而為箏易京君明變之而為準

新聲代作古意浸泯若迺絲聲之器遠敷之莫能既侯氏之攻
坎師延之靡靡崧阮寄嘯之具秦漢鼓之戲於是六合百細
然相亦改其制太乙天寶弦柱各出其新意吳蜀楚之聲不同
乎清琴之調滋異厥有鳴弦金縷左振右擊檀槽鼠粒孤柱四
隔立擲卧摘竹軋木搔白虎之爪黃金之撥能使師曠曠執已
拙但見吃施蘇範非優保程以助其喧喧都曇臘峇急笛悲策
以奮其咽晰觀其指法則秦箏多撮琵琶多撥空候少擊抑琴
少擊竊比於琴家之錄吟板抑孰若一弦一柱取聲於自然而
不假弄手以為力也弦樂莫先於琴他弦行世而琴不行焉是
棄其祖而為支裔之從推其根而葆由枏之前也若迺道調優
呂託異人之夢授而律呂每混於俗稱怨湘哭顏疑胡琴之避
徵而曲調例闕其徵聲又孰若一弦七律諸調皆在焉而隔八
之弦自相生也然而箏笛之耳未能聽古淡者見操瑟而已疾

章句之儒僅知守詁訓者聞歌詩而自失惟夫陸沈野老師
宣鬱宛其俟命且以求日人莫我好而吾琴之僻於是采孤桐
方南山之陽致文梓兮北山之北本以黃鐘度以周尺遂練朱
而繩絲雖繪綿而貴質小弦之縵七十餘二大弦之絲八十有
七初促柱以高張乍試手而拊歷始肆蓋華之食載歌寤寐之
服但聞誦詩之聲莫知弦指之力逮手熟而習貫益心悅而忘
倦爲之歌伐檀若有斷輪乎河岸爲之鼓考槃若有叩槃乎山
澗方且陳懿戒以自警聽衡門而無悶賦白駒之道遙誦淇澳
之琴個和錙鳴兮中清寄散聲於吟嘆共赤松而調均吳湘靈
之悲怨僮流魚之能聽付狸鼠於不見誦問情以自欣虞僕人
之見訕遂延燈倦塵而鞞歸且弛以回鴈善吾琴而不鼓思琴
悠悠兮得且亂曰皇義肇瑟詔以詠兮姬孔歌詩瑟之盛兮瑟
遠詩存歌不傳兮孰能誦詩惟朱弦兮勿求證世我思古兮解

弦研杜羨昭文不鼓兮

烏木杖賦

姚燧

去年史仲威得烏木杖大徑咫高可過額背折一杖道年許爲
賦報之其秋仲威疾歷二時未勿藥也今年余生朝使人肩木
之半相壽且促曰吾疾所以嬰綿者豈思不僮賦致耶不佞誠
得一誦其辭或可釋杖而起矣余勤其言而賦曰
或曰炎海之山珎木產焉金爲之聲石與其堅雕結伐荷投諸
龍淵依居蛟蜃漱沫濡次歲月俟之化而爲玄要出人爲非得
自天此島夷假以篋利於中土之微權也抑齋聞而笑之曰昔
賈鬻鞭扼蠟其膚市者一濯已呈蒼枯胥是黧材裏表一如從
可占知廼受形其木初者也胡子以由彼而然乎今天中土之
山有衆其植斧取觀之內各異色樟柞桐文杜棗柳赤檀柏栝
黃蒲楓槭白與爾萬里迢商絕域瀘嵩杉紫儻黎阮福燭實鷄

古相牛白黑一隅斯舉三可及隨茲庶品之爛。果孰區以何
澤沈於西閩。滋雨。虛風。敷吐。華耀。為白。為紅。深淺。濃淡。萬不齊
同。令人感之。欣心。悅。瞳。問。誰。為。之。能。然。皆。著。妙。於。化。工。夫。其。見
諸。柯。葉。之。外。者。如。此。又。何。惑。理。質。於。其。中。哉。且。水。火。之。赤。黑。不
一。其。色。者。雖。童。子。猶。能。知。之。至。語。其。相。賊。而。為。用。有。戴。白。之。老
所。未。思。維。男。丁。之。婦。士。實。雄。黑。而。赤。雌。始。若。悍。而。難。取。終。為。夫
之所。移。今。其。色。之。幽。幽。迺。昔。赤。之。由。基。是。何。資。於。遠。譬。只。燭。竈
亦可。闕。彼。炎。施。而。烈。者。焰。也。其。煙。液。為。煤。必。黧。而。緇。因。以。曉。夫
巧。繪。之。棄。鉛。朱。亦。懼。其。既。久。浸。漶。而。為。黧。又。以。信。道。書。攻。盛。之
侵。離。也。不。然。南。服。之。洲。祝。融。之。宅。也。融。金。石。而。焦。流。蓋。火。熾。之
已。極。非。盛。其。水。以。滅。之。則。物。將。不。能。以。生。活。故。伊。人。之。擘。面。不
溼。藉。而。深。黑。示。火。色。之。索。藏。惟。獨。見。夫。水。德。而。已。矣。其。木。理。之
如。漆。者。又。足。惑。乎。哉。史。繒。之。孫。其。畏。可。象。折。而。杖。之。奔走。相。餉。

輟予廬於猛士配几屨於席上誠扶衰以起策觸爪甲而鏗響
思卷威而含贊陋抑侯之為匠必求同於所異繞黑蛇之徘徊
造物之變化不可斯焉猶足以乘雲雷而騰往也

求志賦

哀哀

古人以賦託志或比擬賢哲或寓情幽怨或述己出處若懲志
復志述志之類非一大抵皆假設仿喻依楚語屬辭余老於憂
患年垂耳順白首無成因想先世遺業叙次為求志賦其言曰
簪肝脾之攸淑兮肇啓迹於虞鳩建流胤於公商兮寔楨行於
大姬爰錫胙於汝穎兮廣采壤於餘支及贏項之蹶仆兮通宛
洛之說辭回守儒以辛業兮闡矣漢之由儀鍾厥美於帝傳兮
暢爽柔以演迤歷東都之際鮑兮終江左而隆衰清風飈其復
振兮參王謝而並馳榮抱忠而質義兮徇石頭以燔夷誼推本
以篤烈兮諛貞信之在茲世悠々而遐迫兮竊譜謀之莫推跡

芳馨之所由兮，酌龍以爲基。值文明之泰享兮，奮德義於海
陸。汽登名於太常兮，翼時彥以駿駢。振英風於句越兮，雍捧蹕
而闡之。聯魚符於南北兮，故家聲以騰輝。方渡江之中厄兮，興
禮樂於所適。潛伊洛之鴻源兮，本沂泗之宗繫。始揚武於鸞雍
兮，嗣冠危於虎陛。挺正色而不阿兮，粵忠謹乎繼世。佩太阿之
森壁兮，士佞孽者以匿避。激滄淪於頽波兮，徒喑鳴而歎殺。點
抗言以疏遠兮，弘曲學而高位卒陷之。而莫返兮，竟奄毋而淪
棄。悼蕪城之荒蔚兮，莽荆榛之翳蒼。山川鬱其差岷兮，旣榮華
之銷奪。取脩名之烜焯兮，齊往哲而起詣。乾坤候其凌薄兮，儼
陵谷之變遷。盛衰涉其難諶兮，何與仆之後先。駕方舟於弱水
兮，刊卷塵於石曰躬。勤瘁以畢歲兮，抗吾輶而莫前。造窮山之
崖峯巖壑兮，鄰豺虎之肆突。疏費及線溜於荒谷兮，刈菽藿於
墳行。離沾危於嬰推兮，紛假授而迄蹇。覽古人以爲則兮，徵往

轍而訊驗。仲翁俯首以縮綬兮，望之落落以抱關。術乘剛以放
逐兮，求默然以名宦。閔仲翔之通筮兮，屏南交而不返。旣昭塞
之有時兮，縱余情而舒卷。廼鷓退而蠖伏兮，寄余懷於編簡。宵
營營而無寐兮，精炯炯而申旦。縣朽綆於管井兮，悵贏餅而三
歎。分椽粟於群狙兮，心倉兄而不伸。涉江海而行邁兮，追奔驥
之飛塵。羌脫解而寡與兮，若眯膜以問津。忽荼毒其重罹兮，哽
顛連而悲辛。髮種種而既童兮，齒零落而輪困。叩辜愆於蒼昊
兮，雲漠漠而突激。躡九死而一蘇兮，屬微息之僅存。契靈龜以
貞卜兮，墨未食而已湮。卒罔罔而迷適兮，掩余袂以沾巾。謂文
化之窈冥兮，爰屏肅乎營魂。形彷彿於噩夢兮，喻至理之所循。
俾內省於微躬兮，曷怨尤乎天人。旣爾生之肇確兮，蒙四體而
靡勤。仰哺啄以尸居兮，媿胼胝之鰲黔。下不能以備力兮，上不
足以奉承乎。大君徒內獎於願鈔兮，宜外勗於觀釣。觚不觚而

靡用兮固宣父之所云挾章甫以賈粵兮遇侮慢而誰因波微
激而東駛兮日濶濶而西輪睇脩途之逾邈兮飲余馬乎江瀕
佩脂韋以假飾兮顏屢頰而已沮日愀怛以流眄兮心壹鬱而
誰語緣微徑以拔援兮察愚智于今古蘭芳馨而自炳兮松流
膏而斤斧膺厲節以殲類兮蟠渾渾而容與登長嘯以夷猶兮
康哉憲而觸梧威并舞以委誠兮毫失節而罔措徵執中以事
讐兮色怫悒而愈憊詎合散之靡常兮豈得喪之有數委吾形
於大順兮昭惠迪而內顧踐康莊之夷軌兮黜健羨而罔慕頤
天真於玄玄兮鍵靈關以爲固羣至道之所歸兮去性根之蠹
蠹念英華之難再兮惜吾年之石暮全所守以解駮兮結余轡
于馳鷲逍遙乎無爲之園兮采芝英以甘茹滌瑕垢以保躬兮
依名德之爲據寄遙情於冲漠兮將頌節乎孰圃激玄冥以漱
潤兮伏神雀於丹淵掉蒼龍使騰躡兮執白澤俾潛藏御駸輪

以登太淵兮叩招搖以周旋
興瑤池之縹緲兮與大椿而論年
嗟舜英之卒卒兮徒掩抑於逝川
精銷委以飴鷺兮玄領忽以
白顛惟守中以返朴兮詎索隱之是專
矚雲霞而游目兮味泰
和以自堅弄紛濁以純一兮却智慧而俱捐
警夙宵以康神兮
祗吾性之所天既命義之澼澼兮置休戚於自然
泊虛舟於回
渚兮逝將返乎故土問耕鑿於沮溺兮綸陵陽之綱緒
食所力
以保終兮企優游於末路希勿安之靖共兮濯清冷而遊豫
風
颯颯而淒厲兮凜兼段之霜露蹇躓其願兮摧輪亦吾所深
懼求正志之所蘊兮庶無忝於祖武亂曰已矣乎吾誰適
與歸
莽莽日耘治兮灌溉根芽長
莖茲兮守質養素不傾
敬兮
外息驕吝內自怡兮
明明在上毋我欺兮
超然而存無所爲兮
誠心不疚允眷頤兮
盡枯木賦

夫誰畫此枯樹兮臨不食之散泉既偃蹇又齒食兮骨岸岸以
弗妍想執筆以極思兮忽機釋而神旋遺眾壞於藪有勒不毀
之所全或聖去於斤運或石泐於溜穿泮無兩以如晦悅泚規
而能圓澹默如其既失旋蒼然而在前命以物而不可孰秋春
而論年噫吁嘻被革以毛膏膏用丹皆為流眩願當注汝獨何
為託寂寞於無意而刻畫其不傳者邪

傷已賦

馬祖常

嗟余生之多憂兮幾顛踣而數窮誓續言以自見兮力遲古之
高風呼夔龍以駕我任黃使使為期何九稼之不一穫兮尚畏
寒而如茲豈剖厥之有不善兮將世德之下賢薦芻豢於宗器
兮綴獲琴以幾環封敦旄以塊秦岱兮謂汎濫其莫涯冠鬢童
以弁冕兮問禮意而莫支決大疑於淫鬼兮憑巫傳以度揆顧
聖言之鞿勒兮指網羅為械意憫相道之無朋兮去一髮之幾

希枕吾車之莫騁兮膠吾口而難辭徵前悔之不憚兮配古道
其或可思一旦捨此而改圖兮念後余之病我日浚惡以啓埋
兮患世之屏經而好權遭歧蹊之多迷兮世或謂其固然抱昌
辭以適與我兮俟來學以偕行辨自家之糾紛兮孰察余之衷
情亂曰我涉大波孰為航兮我載大塗孰為箱兮古聲嗶嗶金
石之揚兮世無張兮

感志賦

李好文

何天地之寥廓兮眇予生之有身復黃坤之博厚兮仰玄覆以
無垠繫索金於大冶兮偶形留夫梓管苟莫邪而弗自砥兮固
鉛敝之所同服蒙予若之倥侗兮承翰訓于自宮佩非善而罔
繫兮服非惠而匪躬擊余革之申申兮翰余鱗之容容擷穠圃
之日精兮濯淤漣之荷華卻穠李而弗御兮矧猶臭其焉加歲
翩翩其不居兮首元服以及冠恐罔兩之挾余兮障面牆而無

見思假道于書林兮求孔氏之高明遵文衢之逶迤兮愈多岐
之縱橫物傲倪而莫適兮從文公而徵詞曰爾神潛而志栖兮
終必達夫所期果服言以從事兮羸十年而矣之覽天庭以游
目兮又欲窮夫四遐觀百氏之原委兮究異說之貞訛泝太初
之無始兮循三王之不頗總條理于一聖兮固馴致夫中和泊
余有志于古人兮懼脩名之嚶嚶忘漆雕之自信兮憤學優之
有得謂青雲其可力而致兮謂時命之可戈較余行之吉日兮
遂觀國乎上京指閭闔以徑往兮奄長風而北征眩天都之雄
麗兮非下土之能名信魚龍之所混并兮亦名利者之爲場余
既初無赫赫兮又何適夫煌煌翔捷步之高才兮豈扶服之能
躅挈桔槔之頰仰兮恐祈榮而離辱夫何衆之熙熙兮我獨約
兮而爲德資章甫以適越兮固前脩之所爲感殫玉蓋以燎桂
兮囊自索而焉留石東昏之故居兮盍歸來之爲謀浮輕舟以

南下兮亂海旋之六流返弊廬以窮歟兮迄于今一紀其將及
晝于茅於南畝兮常索綯而未息傷鶴鴒之原君兮慮鴟鴞之
無室逮子荆之有美兮羌終棄乎草澤余非昧而至愚兮誠有
徵乎前哲聞耕獲于道德兮內懷寶以自珍豈馭馭之足樂兮
聞閭漠而無聞昔樊須之請稼兮廼獲誦於聖人誓冥冥其鴻
飛兮猶釋耒乎有莘溺耦沮之不反兮又奚足與爲群悲此志
之未伸兮秉經德之不回心飛揚而披離兮曷日夜而夜懷亂
曰鹿之斯奔兮其足跂跂河魚衝波兮乃窺其尾物終必反兮
有張斯弛往不必求兮來者是迭屨不隨阿兮險不期詭貞途
安行兮不易厥止優哉游哉兮于以自矢

騷

白雲辭 二章

白雲疑情兮佩月光白露結彩兮明幽芳衆星皎皎兮水波不

劉因

揚渺予思之若遇兮耿在目兮而不忘音矣著兮形無方肅予
中文兮四無旁子母歸來兮山高水長

白雲高飛兮杳不可尋靈風長往兮聲不在乎幽林皎月東生
兮忽西沉玄鶴何逝兮遺之音予思未及兮實懷我心儵万里
兮捐所歆曠同游兮啓雲襟子母歸來兮山幽水深

悠然閣辭

袁楠

鄙之西兮烽圍圍虎豹屹兮雄姿綬蜿蜒兮紫曳旌駸駸兮虹
垂之人兮槃阿畏裁娥兮高馳築虛觀兮虛明手參差兮以娛
棟隆兮示背榮冀兮聳喙鑑匯雪兮鄙之區抃有七兮日劇采
菊兮黃裳緝萸兮紫囊芳冥冥兮夕暉憺獨睇兮擬所思雲飛
英兮山之阜為予留兮不遐以處秉貞兮神專觴彌劇兮益完
山之樂兮不可以久遲予返兮悠然

垂綸亭辭

袁楠

漢滔流兮日傾東滄浪兮冷冷蹇一士兮沈冥垂芒鉞兮不肖
以留明玕兮貝宮朱柯蔚兮青葱魚戢鱗以為衛兮龍騰章以
屏氣謝娟媛之嘗巧兮口垂沫以縱恣吾靈養之以歲年兮寶
秘鬱而不宣豈直鉤以違眾兮守釣道之自然時至而迅舉兮
匪荒幻之詭誘保貞志以遂初兮考銘言于耆叟時俗眇其莫
同兮求願訖依夫前聖之所究宋誠夫都中人舊見所為文深
器偉楠與南宮考士得其文不置後果為進士第一垂綸亭足
以觀其初志云

雲山辭

王士熙

山氤氳兮出雲又泠泠兮以兩條日出兮雲飛山青青兮極浦
橫浮雲兮水粼粼攀杜若兮采白蘋荷荷兮桂為棟臨江峩
兮悵懷人

國朝文類卷第一

國朝文類卷第二

樂章

郊祀樂章

皇帝入中壇出入小次 黃鍾宮

赫赫有臨洋洋在上克配皇祖於穆來饗肇此大禋乾文弘朗

袞衣園立魏魏玄象

皇帝盥洗 黃鍾宮

翼翼孝思明德洽禮功格玄宮有光帝始著我精誠潔茲薦洗

幣玉攸奠永集嘉祉

皇帝升壇降同 大呂宮

天行惟健威德御天日月龍章箕箒宮縣蒙軼尚明禮辟蒼園

神之格思香升燔煙

迎神

國鍾宮六變

烝哉皇元丕承帝眷報本貴誠于郊股薦藁載陳雲爾六變
神之格思來處來燕

初獻盥洗

黃鍾宮

隆成之曲

肇禮南郊百神受職齋戒惟先匪擊十稷廼沃廼盥祠壇是陟
上帝監觀其儀不忒

初獻升壇降同

大呂宮

隆成之曲

於穆園壇陽郊奠位孔惠孔時吉蠲為饗降登祇若百禮既至
願言居歆允集熙事

正位配位奠玉幣

黃鍾宮

欽成之曲

謂天蓋高至誠則格克祀克禋駿奔百辟制幣斯陳植以蒼璧
神其降康俾我多益

司徒捧俎

黃鍾宮

寧成之曲

我牲既潔我粢斯實率鑄克諧邊豆有飮神來宴族啟茲明德

求饗繁楮如幾如式

昊天上帝位酌獻

黃鍾宮

明成之曲

於昭昊天臨下有赫陶匏薦誠馨聞在德酌言獻之上靈是裕
降福孔皆時萬時億

皇地祇位酌獻

大呂宮

至哉坤元與天同德函育群生玄功莫測合饗園壇舊典時式
申錫無疆率寧皇國

太祖皇帝位酌獻

黃鍾宮

禮大報本郊定天位皇皇神祖反始克配至德難名玄功宏濟
帝典式敷率育攸暨一

皇帝飲福酒

大呂宮

特牲享誠備物循質上帝居歆百神受職皇武昭宣孝祀芬苾
萬福攸同下民遐隲

皇帝出入小次

黃鍾宮

惟天為大惟帝饗帝以配祖考肅贊靈祉定極崇功永我昭事

升中于天象物畢至

黃鍾宮

和成之曲

文舞退舞進

羽籥既設載揚玉戚一弛一張匪舒匪棘八音克諧萬舞有奕

永觀厥成純嘏是錫

黃鍾宮

和成之曲

亞終獻

有嚴郊禋恭陳幣玉大賸是承載祗載肅上帝居歆馨香既飲

惠我無疆介以景福

大呂宮

寧成之曲

徹邊豆

三獻收終六樂斯備既右饗之徹其有踐洋洋在上默默靈眷

明裡告成於皇錫羨

送神

天成之曲

神之來歎如在左右神保聿歸靈旂先後恢恢上罔無聲無臭

日監孔昭思皇多祐

望燎位

黃鍾宮

熙事備盛禮文郁郁紫煙聿升靈光下燭神人樂康永膺敷教

祚我不孚景命有僕

皇帝出中壇

黃鍾宮

泰壇承先寥廓玄駿暢我揚明饗儀惟大九服敬宣聲教無外

皇拜天祐照臨斯屆

太廟樂章

皇帝入門

蕤射宮

順成之曲

熙熙雍雍六合大同維皇有茂典禮會通金奏玉夏祗疑神宮

威格如響嘉氣來叢

皇帝盥洗

蕤射宮

順成之曲

天德維何如水之清維水內曜配彼天明以滌以濯犧象先品
孝思維則式薦忱誠

皇帝升殿降回 夾鍾宮 順成之曲

皇明燭幽沁時制作宗廟之威降登時若趨以米發聲容有恪

曰誓曰文監茲衍樂 無射宮 昌寧之曲

皇帝入小次出回 無射宮 昌寧之曲

於皇神宮象天清明肅之來止相維公卿威儀孔彰君子攸寧

神之休之綏我思成 黃鐘宮 思成之曲

迓神九成 黃鐘宮 思成之曲

齊明盛服冀冀靈眷禮備多儀樂成九變烝之孝心若聞且見

盼蜚端臨來寧來燕 無射宮 肅寧之曲

初獻盥洗 無射宮 肅寧之曲

酌彼行際維挹其清潔齊以祀之事昭明肅之辟公沃盥乃升

神之至止歆于克誠

初獻升殿降回 夾鍾宮 肅寧之曲

祀事有嚴太宮有仙陟降靡違孔容翼翼焉豆旅陳鍾磬翕經

於昭吉蠲神保是格 無射宮 嘉成之曲

司徒捧俎 無射宮 嘉成之曲

色純體全三犧五牲鑿刀屢奏毛包誠美神且饜飲聽我磬聲

若歌有求胡考之寧 無射宮 嘉成之曲

太祖法天啓運聖武皇帝第一室 開成之曲

天扶昌運混一中華爰有真人奮起龍沙際天開宇且海為家

肇脩禋祀萬世無涯 武成之曲

睿宗仁聖景襄皇帝第一室 武成之曲

神祖創業爰著戎衣聖考撫軍代行天威河南底定江北來歸

貽謀翼丁奕葉尊輝

世祖聖德神功文武皇帝第二室

混成之曲

於昭皇祖體健乘乾龍飛應運盛德光前神功著定澤被垓埏
貽厥孫謀何千萬年

裕宗文惠明孝皇帝第四室

昭成之曲

天啓深仁須世而昌追惟顯考敢後光揚徽儀肇舉禮備音鏘
皇靈鑒止降釐無疆

順宗昭聖衍孝皇帝第五室

慶成之曲

龍潛于淵德昭于天承休基命光被紘埏洋洋如臨邊豆牲牷
惟明惟馨皇祚綿延

成宗欽明廣孝皇帝第六室

守成之曲

天開神聖繼世清寧澤深仁溥樂協韶韻宗支嘉會氣和惟馨
繁釐來格永被皇靈

武宗仁惠宣孝皇帝第七室

禧成之曲

結天鴻業繼世隆平惠孚中國威靖邊庭厥功惟茂清廟妥靈

敬茲明祀福祿來成

仁宗聖文啟孝皇帝第八室

敬成之曲

紹隆前緒運啟文明深仁及物至孝躬行惟皇建極盛德難名
居歆萬祀福祿崇成

明宗翼獻景孝皇帝第九室

永成之曲

倚邪皇明世續神武敬天弗違時潛時旅龍旂在塗言受率土
不庭有臨永錫多嘏

英宗睿聖文孝皇帝第十室

翼獻成之曲

神聖繼作式是憲章誕興禮樂躬事丞嘗翼清廟燁石耿光翼
千千萬年世仰明良

皇帝啟福酒

夾鍾宮

釐成之曲

穆穆天子禋祀太宮禮成樂備敬徹誠通神登樂只錫之醇醴

天子萬世福祿無窮

文壽遐武壽進

無射宮

肅寧之曲

天生五材孰能去兵恢張鴻業我祖天聲干戈屈盤濯濯厥靈

於赫七德展也大成

亞獻終獻同

無射宮

肅寧之曲

幽通神明所重精禋清宮肅百禮具陳九韶充詔八佾既饗肅

靈光昭蒼天休日申

徹籩豆

夾鐘宮

豐寧之曲

籩豆芬苾金石鏘鏗禮終三獻樂奏九成右嚴執事進徹並聲

神保事歸萬福來寧

送神

黃鐘宮

保成之曲

神主在室神靈在天禮成樂闋神返幽玄降福冥冥百順無愆

於皇孝思于萬斯年

皇帝出廟庭

無射宮

昌寧之曲

緝熙維清吉蠲致誠上儀具舉明德薦馨已享而踐歡通二靈

先祖是皇來燕來寧

社稷樂章

降神二成

林鐘宮

鎮寧之曲八變

以社以方國有彝典大哉元德基祚綿遠農功萬世於焉報本

顯相默祐降監壇墀

降神二成

太簇角

鎮寧之曲

錫民地利厥功甚溥昭代典禮清聲律呂穀日于差洋洋來下

相此有年根本日固

降神二成

姑洗徵

鎮寧之曲

平厥水土百穀用成長扶景運宜歌德馨五祀為大千古舉行

咸通所蠻登歌鎮寧

降神二成

南呂羽

鎮寧之曲

幣齋虎脩柔盛告備倉庾坵京醫誰之賜崇壇致恭幽光孔爾
享于精誠休祥畢至

初獻盥洗

太簇宮

肅寧之曲

禮備樂陳辰良日吉挹彼爵壘馨哉黍稷濯漑揭虎維巾及畢
萬年嚴祀踰踰受職

初獻升壇降同

應鐘宮

肅寧之曲

春祈秋報古今彝章民天是資神靈用歆功崇禋嚴人阜時康
雍雍為儀燔芬苾香

正配位奠玉幣

太簇宮

億寧之曲

地祇饗德稽古美報幣帛斯陳圭璋式縑載烈載燔肴羞致告
雨暘時若丕圖永保

司徒捧俎

太簇宮

豐寧之曲

我稼既同群黎徧德我祀如何牲牲孔碩有翼有嚴隨方布色
報功求福其儀不忒

正位酌獻

太簇宮

保寧之曲

異世同德於皇聖造降茲嘉祥衛我大寶上乃丞民俾德履熹
厥作裸將有相之道

配位酌獻

太簇宮

保寧之曲

以御田祖皇家秩祀有民人焉盍究本始惟叙惟修誰實介止
酒旨且多盛德宜配

亞終獻

太簇宮

威寧之曲

以引以翼來處來燕豆蕝牲牢有楚有踐庸谷神休神亦錫美
土穀是依成此醑獻

徹豆

應鐘宮

豐寧之曲

文治脩明相成田功功為特殊儀為特隆終如其初誠則能通

明神毋忘時和歲豐

送神

林鍾宮

鎮寧之曲

不星受陽國所崇敬以興來歲苞秀堅穎雲軒莫駐神其諦聽
景命有僕與國同求

望盛位

太簇宮

肅寧之曲

雅奏肅寧繁釐降格匪厥玄黃丹誠恒赫肇祀以歸瞻言咫尺
萬年攸介不承帝德

先農樂章

降神 一成

林鍾宮

鎮寧之曲 八變

民生斯世食為之天恭惟大聖肅心於田仲春劭農明祀吉蠲
馨香感神用祈豐年

降神 一成

太

角

鎮寧之曲

耕種務農振古如茲爰粒烝庶

德茂而隆嘉安艱國家修宜

所依惟神庸潔明粢

降神 一成

姑洗徵

鎮寧之曲

做載平時農功肇敏千耦耕耘同祖隰畛田祖不靈為仁至靈
豐歲穰穰延洪有引

降神 一成

南呂羽

鎮寧之曲

群黎力耕及茲方春維時東作為我農人我黍宜華我稷宜新
由天降康永賴明神

初獻盥洗

太簇宮

肅寧之曲

泂酌行潦真足為薦奉茲潔清神在平前分作甘霖沾溉芳甸
慎于其初誠意攸見

初獻升壇降同

應鍾宮

肅寧之曲

有極其馨維多且旨式慎爾儀降登庭止黍稷稻粱民無渴飢
神嗜飲食永綏嘉祉

正配位奠王幣

太簇宮

億寧之曲

奉幣維恭前陳嘉玉率昭盛儀肅維純如南畝深耕麻麥禾菽
用祈三登膺受多福

司徒捧俎

太簇宮

豐寧之曲

奉牲孔嘉登俎豐備地官駁奔趨進光輝肥碩蕃寧歆此誠意
有年斯今均被神賜

正位酌獻

太簇宮

保寧之曲

寶增魏煌神應如響備膺感有牲體必芳洋洋如在降格來享
秉誠罔怠群生瞻仰

配位酌獻

太簇宮

保寧之曲

酒清斯香牲碩斯大具列觴俎精意先會民命惟食禘禘毋害
我倉萬億神明攸介

亞終獻

太簇宮

感寧之曲

至誠攸感肱肱潛通百穀嘉種爰降時豐祈年孔夙統禘為重
俯敬醴齊載揚歌頌

徹豆

應鐘宮

豐寧之曲

有來雍々存誠敢匱履微不遲靈神攸嗜孔惠孔時三農是宜
眉壽萬歲敷成不又

送神

林鐘宮

鎮寧之曲

君高悽愴萬靈來喚靈神具醉聿言旋歸歲豐時和風雨應期
皇圖萬年永膺洪禧

望瘞位

太簇宮

肅寧之曲

禮成文備敬受清祀加牲兼幣陳玉如儀靈御言旋面陰昭瘞
集茲嘉祥常致豐歲

釋奠樂章

降神

黃鐘宮

凝安之曲九變

天縱之聖集厥大成立言垂教萬世準程廟庭孔碩尊俎既盈
神之格思景福來并

始洗宮

同安之曲

初獻盥洗神既寧止右乎顯若靈洗在庭載盥載濯匪惟潔脩亦新厥德

南呂宮

同安之曲

對越在茲敬其維則初獻什階降日大哉聖功薄海內外禮隆秩宗先垂昭代降降在庭哲齊委珮

莫不肅雖洋洋如在

南呂宮

明安之曲

奠幣主宸尊崇佩於列宿籩豆有楚樂具和奏式陳量幣駿奔左右

南呂宮

成安之曲

天騰斯文繫神之佑文宣王位酌獻惟神降格享于克誠右樂在縣有碩斯牲奉醴以告嘉薦惟馨

綏以多福來辰隆平

禋國公位酌獻

潛心好學不遠如愚用金行藏乃與聖俱十載景行企厥步趨

廟食作配祀典弗渝

鄆國公位酌獻

洙泗之傳學窮性命力距揚墨以承三聖遺時之季孰識其正

始洗宮

文安之曲

高風仰止莫不肅敬西終獻廟成齊之祭祀孔時三爵具舉是饗是宜於昭經訓示我民彝

紀德報功配于兩儀

黃鍾宮

疑安之曲

送神禮成樂備靈馭其旋濟之多少不懈益虔文教茲首儒風是宜

佑我皇家億載萬年

四言詩

效樂堂詩

虞集

效樂堂者集賢待制周君之所以奉母者也蜀郡虞集為之賦

詩曰

翼之新堂有闢有房夫人來君既來既舒既好既寧載燠載清
言閣于門以馮我誠有齊其馬石位其軒為子來者允貴且賢
貴容舒遲賢有令儀爾因爾宗先君之恩翁爾兄弟具于嘉昔
我厥我食先君之子詩言柔溫禮言著存我撫我惠先君之孫
樂哉誰氏維周壽母疇克致茲周南仲子君子善頌文則多有
又永歌之以尊燕喜

萬戶張公廟堂詩

虞集

大德辛丑昭勇大將軍河南征行萬戶鎮通州張公以其兵從
征緬死之通人作廟以祀公三十年間朝之公卿大夫士能為

文章者莫不為之有所製作泰定丁卯公子御史亦得予賦之
集以為征緬事始末在朝諸君子則知之矣通州僻在江海之
際其人何自知之況久遠乎且不著夫征夫首禍之故
成宗皇帝聖朝卒致其罪則公所以不肯墮其構陷必甲冑以
死之意亦終不白於通人之將來也故納原其始而道之庶其
有考也詩曰

於赫世皇並用豪傑一定宇內秦蹶戈甲既久既安成宗
繼之祖功莫加道在身持任夫興謀以勤相國曰昔祖宗咸
尚戰克萬方悉來史皆前能我獨無名苟稱繼承蠢彼西南翳
叢負固聚落八百各統女婦人強善驕焉且競豪豢豕于牢黃
金飾措取而有之富可足用赫乎功多以世智勇相臣以聞
天子曰嘻有是言哉汝其試之狂謀既售諫言不入既賊軍實
弓賦仍戢饑饉啓行萬里騷然飢危臨毒朱戰已拍香名將

天子爪士鎮于江詩 天子所使狂夫忌之承制驅之詎忍回
謀徒逞厥私將軍慨言死我臣職可陷者身不陷吾直見制鄙
庸豈我召兇心知魚還况莫立功與其矯誣死彼狂手孰與奮
擊不喪吾守孤旅轉戰深入不回殺慘既多身卒死之三軍失
聲為士喪氣孰明公心君門萬重襄華東歸遙之江壩部曲候
迎悲風旆纒民懷其忠士感其義虎奮鷹揚如見其至卜廟得
吉東望際海神來安之有衣無壞狂夫辱回 天子震怒立呼
狂豎斬以大斧狂罪則誅死事奈何囊封衣榮百世不磨豈惟
不磨元嗣御史既有兄弟又多孫子奕々勲門秩々良材天之
報忠豈有涯哉

國朝文類卷第二

國朝文類卷第三

五言古詩

箕山

元好問

幽林轉陰崖鳥道人跡絕許君棲隱地唯有太古雪人間黃屋
貴物外終自潔尚厭一瓢喧重負寧折眉降衷均義稟泪利妄
智汰得隴又望蜀有齊安用薛干戈幾蠻觸宇宙日流血魯連
蹈東海夷叔采薇歲至今陽城山衡華兩丘坵古人不可作百
念肝肺熱浩歌北風前悠々送孤月

古意二首

劉祁

庭前有桂樹綠葉何難披秋風動地起飄落將安歸高飛入青
雲下飛落汗泥貴賤既偶爾孰為喜與悲
秋江有芙蓉顏色好鮮潔寒裳欲采折水深不可涉嚴風下飛
霜芳艷空凋歇悵望一長嘆臨川無桂楫

懷長源

劉祁

涼月夜如水秋風吹紫蘭獨居悵無聊佳人阻河山
山鏡子里相望何時已雲橫鴈影沈露下蟲聲起
烽火照中州西南殺氣浮君居劉山下果若向時
不人生有離別但惜知音絕匣內卧青蛇光芒射
秋月汴水碧參差葉飛匡樹救如何相憶處還
值暮秋時

送香伯威

劉祁

朔風起天末落木鳴空山水霜正凝
五游子百里還出郭送將別徘徊上高原
如何睽離情對此芳歲闌壯士志四方不須涕
沈瀾人生非山海會面亦不難願子崇明德
餘功振文翰長因東南鴻惠我金玉言

觀主人相槐

李治

主人有佳樹移植庭之隅繁柯雖翦去
不敢觸根株朝既復夕

灌乳井幾成枯諷之角弓詩古人能起予
矣樹尚如此愛士當何如

南山有高樹

林景熙

南山有高樹寒烏夜繞之驚秋啼渺
：風境無寧枝託身未得所振羽將逝
茲高飛犯霜露依飛船第茨乾坤豈不
容顧影空自疑徘徊白殘月欲墮已復
支

僊臺

劉因

碣石來海際西南奄全燕中有學僊臺
燕平欲升天燕平骨已朽遺臺猶相傳
雖後生青松歲久摧為煙極目望海彼
不見三山巔三山巨鰲簪山人蠟蟲然
使無不足論信有亦可憐火堦如洪鑪
金石能久堅天地會有盡何物為神僊
空山魚笙鶴落日下飢鸞今古此一臺
浩嘆秋風前

黃金臺

劉因

燕山不改色，易水無新聲。誰知數尺臺，中有萬古情。區區後世人，猶愛黃金名。黃金亦何物，能為賢重輕。德輝照九仞，鳳鳥繞一鳴。伊誰腐鼠棄，坐見鳳鸞爭。同道日東漸，二老陞西行。養民以致賢，王業自此成。黃金與山平，不救兵縱橫。落日下荒臺，山水有餘清。

馮瀛王吟詩臺

劉因

林壑少佳色，風雷有清秋。為問北山靈，吟臺何久留。時危亦常事，人生足良謀。不有救亂功，當乘浮海舟。飄飄扶搖子，脫屣雲臺勝。每聞一朝華，尚作數日愁。朝廷乃自樂，山林為誰憂。視彼昂昂駒，柰此兀兀鷗。四維既不張，三綱遂橫流。坐令蚩蚩民，謂茲聖與儔。蚩：尚可怨。儒臣豈無尤，不有歐馬筆，孰能回萬牛。太行千里來，瀟灑橫中州。今朝此登臨，孤懷深巖幽。何當剷疊嶂，一洗它山羞。

西山

劉因

西山滄無姿，中有羲皇前。翻思太古人，事業何不傳。三墳亦何罪，世遠成灰煙。紛紛後來人，暮死爭朝妍。勤名史一策，學術文千篇。古人豈不然，後有無窮年。惟餘方寸心，天地相後先。

晨起書事

丁丑五月廿八日

劉因

蒼星華明河，三月麗朱方。兩月忽敬落，一月留中央。下有五星連，西北東少張。仰面東北隅，流星墜彩芒。誰令月有癭，飄搖及吾處。須臾日東生，有星環四旁。一星當日中，佇視搖晶光。自北忽西旋，老陽已拘桑。西北雲一絲，翠暈揚清芳。嫩雲生碧蘚，得句聲琅琅。俄見雲有魚，其大丈許長。火繩紛繞之，昂然欲飛揚。呼友與共觀，此境已茫茫。靈樞度為病，周官夢為祥。寤言札諸閔，庸俟知者詳。

程松

劉因

萬牛來丘山大廈高崑鬼當年誰苦心遺此十歲材手持百松
子與之備傾頹改勤囑造物為護堯山隈今來見毫末喜溢蒼
煙堆十年望根立百年排風雷自此十萬年再見明堂開東家
十年計款千頭栽豈不早有望未此良悠哉

翟節婦詩

劉因

昔金源氏之南遷也河朔土崩天理蕩然人紀為之大撥誰復
維持之者而功之西山乃有婦人曰翟氏年二十餘其夫從軍
死於所事出入立刃往復數百里書伏夜行以其戶歸負土而
葬之既葬自以早寡無子遺時如此思以義自宗乃自決於莫
側隣里救而復蘇終始一節今八十餘年矣夫人心之極有世
變之所不能奪者於此亦可以見之予聞之為作是詩俾其外
孫田磐刻之石或百世之下有望於山而歌予詩者使翟之凡
節凜然如在亦庶幾乎吳人河女之章焉

兵塵浩然際烈士難自全婦人無九首志欲不二天燕山翟氏
女既嫁夫乃邊一朝聞死事健婦增慨然生有如此夫早寡非
所憐求尸白刃中負土塚山前事去衣益深義盡身可拍無兒
欲何為所依惟黃泉鄉隣救引決烈日丹衷懸誰辨節孝翁重
賦睢陽賢我昨過其鄉山水猶清妍鬢髮如竹飄蕭動疎煙風
十年吟詩臺我々太寧巔為招馮太師和我節翁翁太寧山有
西道吟詩臺距翟居甫數十里

寄蕭徵君惟牛

盧摯

秦中幽勝地迺在終南山磐石負磊磊清泉散潺潺徂徠古君
子豐々泉石間圖史紛坐隅衡門畫長閑種菊餐落英鬢芳佩
秋蘭道服德充符怡然有餘歡鳴鶴時一來似愛孤雲間孤雲
不能飛鳴鶴遂空還賦桃李艷鬱々松柏寒義和駛春輝歲
早霜露策感物有深微懷哉邈難攀

姚嗣輝南樓堂

彼樓有土性生植惟岷岷藥之于雲姿才與擗散隣匠石過不
暇煬夫取蒸新所貴故山樹寧計世莫珍一別十畝陰清溪俄
幾春筆台堂楣上如對故鄉親詩事小弁詩桑梓亦惟寅盛德
古自早木惡何閑人不見擗里疾智囊終相秦君才負棟柱未
許溝斷均無以禮自期上孤明堂晨

姚燧

蔚州元氏怡齋

荀宗道

八元乃八龍巖若瓊樹林難兄復難弟感激恩義深宦家宛相
好如鼓琴與琴翻：鴻雁行銜之鸞鳳音二王一品題價重雙
南金終當仕虞朝藹然列華筓要在風俗淳不異古與今他人
石兄弟聚散如飛禽閱牆不相能于戈日相尋尺布斗粟謠行
路為傷心帝拂廢已久角弓義澁沉因書怡齋詩以為友于箴
蔚州元氏兄弟八人皆秀而文義居五間言故勝其所居之室

日怡齋諸名公皆有詩西溪秋澗其首倡也

古風

趙孟頫

詩亡春秋作仲尼蓋古心空言恐難託詣事著以深大義炳如
日萬古仰照臨鳳鳥久不至楚狂乃知音愁來不得語起坐彈
吾琴

周衰有戰國紛々極荆榛黃金聘辯士駟馬迎從人朝為刻骨
離暮作歃血親終然志力屈奉身俱入秦
相如賦大人出語頗奇怪飄然凌雲意過耳誠一快誇言入無
際自覺塵俗隘安知翻成勸何用名為戒
自有天地來蓬萊幾清淺人生空蒿首舉世誰得見瑤臺在何
許渺々煙波遠方舟不可渡使我空展轉
絕代有佳人被服綺與紈蛾眉秀聯娟吐詞馥若蘭清歌落皓
齒瑤琴發哀彈一彈再三嘆聽者涕汎瀾借問誰家子為言本

邯鄲

秋風吹庭樹故葉紛已墜明月耿耿夜長草蟲促經緯四序若不
淹少壯何足貴展轉復展轉寤寐不能寐昔爲閨中秀今作市
門鄙豈無膏與沐甘心得憔悴
山深多悲風日暮愁我心玄雲降寒雨松柏自哀吟人生百年
後奄然閔重陰念此每不樂天路何由尋僊人偃佺華消遺在
青岑奈何不爾思委命重黃金
海中有奇樹榮珊瑚枝由來植物性無物可推移如何石氏繁
子樹之白玉墀洛陽經幾戰金谷久荒夷徒令千載下聞者爲
傷悲
烈風號枯條落葉滿周道原野何蕭索川流亦浩浩離居日以
遠懷思令人老功名會有時生世苦不早顧瞻靡所騁憂心愁
如擣

浮雲何方來不知竟安之飄颻隨風去汗漫以爲期自昔功名
士往々事驅馳白駒空谷中誰能加繫維故々難見容翻受世
妍蚩虛名誠無益不見斗與箕

逸民詩

趙孟頫

驅車秣鷲馬吾將適齊國聞有魯連子個儻好奇畫一談秦師
走再說聊城拔功成不受賞高舉振六翻布衣終其身豈復爲
世役茫々千載遠安往訪遺跡躊躇東海上向風長太息
四時相伐謝榮耀安足恃瓜田引新蔓不見桃與李知士解其
會遇坎當復止邵生故秦吏乃亦睹茲理賢哉感我懷三嘆不
能已

子真初亦仕歲晚乃逃之區々南昌尉上疏忘其卑忘言不見
用耿々當告誰飄然棄妻子終身與世辭抱關甘貧賤所遺莫
我知至今九江濱清風激羣鯨神僊信茫昧此士獨不疑孤雲

無所在逝水何時歸遐思一矯首悵望無由期

悠々空山雲泱々長江流廊廟竟不肩山澤聊淹留故人在天
位高步遠巢由豈曰子無衣辛苦被羊裘東京多節義之子乃
其尤窮居雖獨善輔世豈不優

汪々千頃波不為人濁清道固言行表瀉然無得名誰言牛醫
兒乃是人中英當時無間言後世流德聲思之不可見使我鄙
吝萌淳風久已漓此意豈復存時無君子者雖賢寧見緝

南州有高士食力事耕稼優游聊卒歲不矯亦不隘大木行欲
顛緋纒豈足賴何爲諸老翁相々不皇舍斯非無見明哲自其
高遠誰能懸一榻待子來執駕

鹿門何序々不有避世賢風雖隱中林卧龍踏其淵一朝起高
翔斯人獨深潛功者不可爲我志久已安一聞春鶯傳使我心
悠然

黃鵠羽翼長一舉思千里紉安本中原乘槎走東海舉世方尚
同遠引存吳志高風流異俗敦禮化鄰鄙子魚平生友胡乃不
相委

塵事非所便田園久見招歸來三徑中蔚々長蓬蒿雖有荷鋤
倦酒且陶々茫々大化中委運將焉逃唐虞去已遠由來非
一朝祭々霜中菊采々忘其勞

有所思

趙孟頫

思與君別來幾見夫容花盈々隔秋水若在天一涯欲涉不可
去茫々足煙霧汀洲多芳草何以采蘅杜青鳥翔雲間歸書何
時還君心雖匪石祗恐凋朱顏朱顏不可再那能不惆悵何如
雙翡翠飛去蘭苔上

雜詩

趙孟頫

四時更代謝物化帝隨之春華曾幾何歲月忽如茲嚴風動高

樹百草俱已衰人生沈有後憂志乃其宜棄拍勿復念出入由
化機安得松喬術龜吾世相違

知非堂夜坐

何中

前池荷葉深微涼坐來爽人歸一犬吠月上百蟲響余非冷
淪隙地成假仰林端斗柄斜担心獨悽愴

擬古次韻

安熙

鬱鬱巖下柏青々水中蒲巖前有幽人壯歲常獨居
獨居亦何爲不羨春華數十年掩關卧門庭盡荒蕪美人殊不來日々
聽軒車

零々白露下巖谷悴芳蘭々悴不復辭誰與念時難堅冰行復
至雪深路漫漫々愁絕將奈何極凡一長嘆
中州有寒士塊然守空堂清貧久有信壯懷殊未央豈不願馳
騁冒雪凌風霜振策萬里途超忽追鵬翔永念同懷人渺在天

一方悵望不可見慷慨發清商獨處誰晤語百感摧衷腸人生
諒難必且莫徒悲傷

采柏空巖下倚竹荒庭前人生非金石君心詎能堅君心或有
渝賤妾終不疏天地一瞬息今古一長途借問離別苦君心竟
焉如不見園中樹日々爭華敷秋風一夕至已逐巖霧枯歲晚
不得去山空難久居

崑崙一何高出此無窮河遙遙何所往不帝萬里多一意在朝
東日夕無停波遠游計不早壯志成蹉跎夫君不我顧鬱々悒
如何覽物悟物變端居閱年華興末辰遐眺緩步空山阿回顧
渺塵世松柏紛森羅吾樂誠何極憂子獨長嗟春吾誰晤語一
笑空煙蘿

人生有定分所貴能樂天自輕失所守欲進安敢前思君重思
君此情誰與宣舉頭見明月顧影徒自憐終當謝塵世洗心聞

澗泉

榆林對月

虞集

日落次榆林東望待月出大星何煜々芒角在昂畢草樹風不起蛩咽絕咽啣天高露如霜客子衣盡白羸驂既餘棧聲婦泣空室行吟毛骨寒坐見河漢沒驛人趣晨征曠々晚光殘

虞集

月出古城東海氣浮空濛車騎各已息宮闕何穹隆牧馬草上露吹笳沙際風帳中忽聞鴈傳令穀雕弓

虞集

中流汎蘭柁望彼嘉樹林落日蕩野人浮雲生夕陰魚游戀芳藻鳥鳴在幽岑爲樂恐易老吾將脰朝簪

虞集

巨舟臨峽口衆工志如一各以所操濟維危萬無失所憂至平

曠玩肆生縱逸毋得持釣翁倚岸三太息

虞集

月下白玉階露生黃金井疏條栖鵲寒衰蕙流螢冷戀闕感時康懷歸覺宵永晨鐘禁中來白髮聊自整

虞集

黃金鑄爲鴨焚蘭夕殿中窈窕帶斜月凌迤動微風綺席列珠樹華燈連王虹無眠待顧問不知清夜終

虞集

窈窕冶亭暮蕭條江南秋汎覽山河外張樂鳳凰兵公子飛翠蓋美人回綵舟從茲至黃髮樂哉以忘憂

虞集

滋原恒伏流春雨川迺盈林疇廣敷潤草木俱繁榮臨深見游儵仰喬右鳴鸞君子樂在斯齋若託令名積學抱沈默時至右

攸行抽簡魯史存采詩商頌并禹元追馬公湘江歌屈生紉蘭
不盈握戍木有餘情浩然欲浮海歸歟還濯清方舟我為檝白
髮愧垂纓

讀伯庸學士止酒詩

貢奎

今晨不可出大風吹我惟陋巷泥阻如空墻雨淋漓研朱課兒
書冥思解羣疑敲門童子來袖有止酒詩讀之至再三擊節喜
且悲若飲以玄酒揖讓陶唐特我古冠裳孰彼璋與圭短褐
纔掩脛藜藿忘飢風雅久已衰作者微君誰嗟我重景仰老
大將何為

泗濱堂為蓋善長賦

王結

乘槎沂河源崑崙高不極揚舠浮沅湘重華阻靈觀興言游汗
漫千里一瞬息靈氣許古占歲晏果何適遙歸泗水濱尊堂俯
時碧優游弦誦旆燕生儼澄寂川流快天先翔泳咸自得悠

千載心寥々竟誰識

書上都學宮齋壁

馬祖常

齋居芹宮旁未日少人跡清心慕古蹈簡編頗紬繹徒自傷徒
民位卑力莫及苟祿亦可羞吾將反蓬華

節婦王氏

范梈

尋年四三二始識月團圓：十二學女工刺繡如鴛鴦十九嫁夫
家事姑施衿擊夫塔良家兒世籍為王官雖聯朱紫貴不習綺
與紈過庭執詩禮開口若驚鴻風儀在一時爭作王人看天地
忽降毒摧折青琅玕回首四十春景光若流丸貞心守松柏芳
性執芝蘭落月簾帷曙西風機杼寒沈思往昔事淚下紅闌干
豪客至茅屋舉家竄林巒入房街病姑身犯白刃攢相向義慙
釋視死色無難親知為嘆息保社為辛酸欲與上州府為妾旌
門闌妾寔無所願所願在所安婦人往從人阿母涕洟瀾送行

遺之語敬頌無違歡匹偏回有時寧知憂患端辛苦蹈物變豈
羨身獨完殷勤謝舊故聞者推肺肝

范墳詩

字本魯紳

宋蜀郡開國公范鎮景仁謚忠文其一世盛德偉烈光著史籍
人固知之其葬在襄城汝安鄉推賢里載東坡集中甚詳襄城
故隸汝州神未訪問故老其墳微然故在已為野天豪農耕為
木柰之區矣范氏當金季猶有居墳左者自經兵燹不知所存
拊事嘆閔改為作詩以紀其槩幸在官君子知其為先賢遺寵
庶有以處之

忠文我眉英始也跡甚微堂、薛簡肅旗隼西南飛其人古廉
守肯持藹督歸所得一偉人天下大布衣引以賓王家光映春
官闈昭陵宋仁主前星久無輝犯諱言所難雷電每霽威唯哉
鍊石手妙補天魏、丞相江南來雲掩扶桑暉舊德陳苦辭往

往阨謗譏諸賢抗章疏弱卒攻堅圍公力幹禹鼎正氣砥黃扉
荆舒憤至骨介語筆自揮贈之以蕙蘭何往無芳菲時公與司
馬聲諧玉琴徵解冠挂神武甘老西山薇九寓日曆：赤子將
疇依兩公幸無恙起極或庶幾嗣君元祐初痛洗前人非民望
蜀司馬欲遐天為戰帝命起公卧門久車停駢君實了吾事此
外何所希清風溢寰海不啻嚴陵磯公既死家許道德人所耻
襄城卜封冥汝穎京圻我來訪遺壠名姓存依稀來仍散兵皆
燼雨雪無留霏公名在天下豈逐雉露晞誰能禁耕牧盛事乘
新機吾力不足振感嘆徒歎教

大明宮早朝

胡寬

蓬萊拂曙色燦煜舒祥光九儀肅清蹕日月開旂常聖人握金
鏡繡衣臨玉堂咸英備雅奏圭璧輯羣方歡燕洽湛露敷恩與
龍章謳歌聲幸土豈樂逢時康典文極藻續聲烈昭前土魏、

續鴻緒萬年斯無疆

國朝文類卷第三

國朝文類卷第四

樂府歌行

湘夫人詠

木蘭芙蓉滿芳洲白雲飛來北渚遊千秋萬歲帝鄉遠雲來雲
去空悠悠秋風秋月沅江渡波上寒煙引輕素九疑山高猿夜
啼竹枝魚聲隨殘露

元好問

西樓曲

游絲落絮春漫漫西樓曉暗花作團樓中少婦弄瑤琴一曲未
終坐長嘆去年與郎西入關春風浩蕩隨金鞍今年足馬妾東
風零落芙蓉秋水寒并刀不剪東流水湘竹年深露痕紫海枯
石爛兩鴛鴦只合雙飛便雙死重城車馬紅塵起乾鵲無端為
誰喜鏡中獨語人知欲掙花枝淚如洗

元好問

征人怨

元好問

瀚海風煙掃易空
玉關歸路幾時東
寒垣可是秋寒早
一夜清霜滿鏡中

塞上曲

元好問

平沙細草散羊牛
一簇征人在戍樓
忽見隴頭新鴈過
一時回首望南州

梁園春

元好問

雙鳳簫聲隔絳霞
宮管催賞玉谿花
誰憐麗澤門邊柳
瘦倚東風望翠華

征夫詞

劉祁

頑陰漠漠秋天黑
冷雨蕭蕭似雪滴
途中騎士衣裘單
半夜衝風赴靈壁
中州近歲雨雪多
只因戎馬窺黃河
將軍錦帳衣千重
龔馬上揮鞭傳令急
但令飽煖度朝夕
一死沙場吾不惜
九重日望凱歌歸
安知中路行遠迤
願將舞女纏頭錦
添作征人身

上衣

征婦詞

劉祁

青缸熒熒照空壁
綺窗月上莎雞泣
良人沙塞遠從軍
獨妾深閨長太息
憶初嫁君時
謂君不晚擁旌麾
如何十載尚與隸
東屯西戍長奔馳
秋風戎馬臨關路
千里持矛關上去
公家事急將令嚴
兒女私恩那得顧
恨妾不為金鞵駃
在君腰下隨風埃
恨妾不為龍泉劍
在君手內飛
光燄慕君不得逐
君行翠袖爛斑空血染
君不見重瞳鳳駕游
九疑蒼梧望斷猶不歸
況今沙場征戰地
千人同去幾人回
君回不回俱未見
妾心如石那可轉

留春曲

杜瑛

絮飛冷屑龍蟠玉
花墮香摧鳳銜燭
批頰深林叫新綠
倚闌人唱留春曲
春光欲去如死灰
明年暖風吹又來
何如日日長相

守典衣共醉花前杯殷勤留春春不住
白日西馳水東去鏡中
絲髮奈老何君當持盃我欲歌

楊白花

李冶

帝家迷梅春畫長紫笙吹破百花香
蒲萄凝碧琥珀光燕語鶯
啼空斷腸枕惟紅淚灑滿湘玉鏡臺前添午粧
茜羅綬帶雙鴛
鴛胡蝶趁雪上釵梁千里萬里雲茫茫

空村謠

楊弘道

淒風羊角轉曠野埃塵腥膏血夜爲火
望際光青熒頽垣俯積
灰破屋仰見星蓬蒿塞前路瓦礫堆中庭殺戮餘
推老疲羸行
欲倒居空村問汝何以供朝昏氣息僅相屬致詞
難遽言往時
百餘家今日數人存頃筐長鏡隨日出樹木有皮
草有根春磨
沃飢火水土仍君恩但恨誅求盡地底官更有時
猶到門

羽林行

楊果

銀鞍白馬鳴玉珂風花三月臙脂坡侍中女夫領
軍子萬金買
斷青樓歌少年羽林出名字隨從武皇偏得意
當時事少遊幸
多御馬御衣嘗得賜年年春水復秋山風毛兩血
金蓮川歸來
宴賀滿宮醉山呼搖動東南天明昌泰和承平久
北人歲獻蒲
萄酒一聲長嘯四海空繁華事往空回首懸瓠
月落城上墻天
子死不為降王羽林零落抵君在白頭辛苦趨路
傍腰無長劍
午無槍欲語前事涕滿裳洛陽城下歲華暮秋風
秋氣傷金髮
龍門流出伊河水北望臨潢八千里蔡州新起
骷髏臺只合當
年抱君死君家父兄健如虎一日倉皇變爲鼠錦
衣新貴見莫
嗤得時失時令人悲

金谷行

楊奐

洛陽園池天下無金谷近在西城隅晉時花草不
復見野人猶
解談齊奴齊奴豪華誰比數酒酣愛擊珊瑚株後
堂春風滿桃

李中有一枝名綠珠千金買步障百金買艷能時時吹笛替郎
語雲牕露戶長觀娛層階欲下須人扶豈料一日能捐軀紅飛
玉碎頃刻裏空使行客悲躊躇樓頭小婦感恩死君臣大義當
何如

桃源行

劉因

六王掃地河房起桃源與秦分一水小國寡民君所憐賦役多
慙負天子天家正朔不得知手種桃枝辨四時遺風百世尚不
泯俗血君長人熙熙漁舟載入人間出却悔桃花露蹤跡曾聞
父老說秦強不信而今解亡國畫圖曾識武陵溪飛鴻滅沒天
之西但恨於今又千載不聞再有漁人迷

明妃曲

劉因

初聞丹青寫明眸明妃私喜六宮羞再聞北使選絕色六宮無
慮明妃愁妾身只有愁可以萬里今從漢宮出悔不別君未識

時免使君心憐玉質君心有憂在遠方但恨妾身是女郎飛鴻
不解琵琶語祇帶離愁歸故鄉故鄉休嗟妾薄命此身雖死君
恩重來時無數後宮花明日飄零成底用宮花無用妾如何傳
去哀弦幽思多君王要聽新聲譜為譜高皇猛士歌

塞翁行

劉因

塞翁少小壟上鋤塞翁老來能捕魚宋家昔日塞翁行屯田校
尉功不如西山瀛海接千里長城又見開長渠要將一水限南
北笑殺當年劉六符天教波澤養鴈鶩留與金人賦子虛我來
鄉國覽風土髣髴樞鼓笛嗚嗚肯中雲夢忽已失酒酣懷古皆
平蕪昔年沮水群盜居塞翁子孫殺欲無至今遺老向人泣前
宋監邊無遠圖

武當野老歌

劉因

南湯武當天下稀峯巒巧避山自迷青天飛鳥不可渡但見萬

壑空煙霏山不知人從太古白雲飛來天作主旌旗明滅漢陽
津幾闌東西互夷虜老人住此今百年自言三世絕人烟往事
不聞宣政後初心欲返義皇前脯鹿為糧豹為席竹樹蒼蒼歲
寒國天分地拆保無憂惟見北風山鬼泣一聲白鴈已成擒回
望丹梯淚滿襟傳語桃源休避世武陵不似武當深

燕歌行

劉因

薊門來悲風易水生寒波雲物何改色游子唱燕歌燕歌在何
處盤鬱西山河武陽燕下都歲晚獨經過青丘遙相連風雨驟
峩峩七十齊郡邑百一秦山河學術有管樂道義無立軻蚩蚩
魚肉民誰與休干戈往事已如此後來復如何割地更石郎曲
終哀思多

白鴈行

劉因

北風初起易水寒北風再起吹江干北風三吹白鴈來寒氣直

薄朱崖山乾坤噫氣二百年一風掃地無留錢萬里江湖想瀟
灑佇看春水鴈來還

義俠行

王惲

予為王著作劔歌行繼更曰義俠或詢其所以因為之解曰彼
惡骨盈禍及天下大臣當言天吏得以顯戮而著處心積慮一
且以計殺之快則快矣終非正理夫以匹夫之微竊殺生之柄
豈非暴豪邪不謂之俠可乎然大姦大惡凡民用不敷又以春
秋法論亂臣賊子人人得以誅之不以義與之可乎又且以游
俠言古今若是者不數人如讓之止報已私軻之刺軀無成較
以此舉于尋常萬萬也凡人臨小利害尚且顧父母念妻子慮
一發不當且致後患若之心孰謂不及此哉然所以略不顧藉
者正以義激於衷而奮捐一身為輕為天下除害為重足見天
之降衷仁人義士有不得自私而已者此著之心也何以明之

事既露着不去自縛詣司敗以至臨命氣不少挫而視死如歸
誠殺身成名季路仇牧死而不悔者也故以劍歌易而為義俠
云著字子明益都人少沉毅有膽氣輕財重義不屑小節嘗為
吏不樂去而從軍後與妖僧高北行假千夫長歸有此舉死年
二十九時至元十九年壬午歲三月十七日丁丑夜也
君不見悲風蕭蕭易水寒荆軻西去不復還狂圖祗與螿蛛糜
至今恨骨埋秦關又不見豫讓義所激漆身吞炭人不識刺軀
止酬一己恩三荆襄衣竟何益起今冠古無與儔堂堂義烈王
青州午年辰月丁丑夜漢允策祕通神謀春坊代作魯兩觀卯
魄已褫曾夷猶袖中金鉞斬馬劍談笑賊取茲臣頭九重天子
為之色萬命投出顛崖幽陂陀燕血濟時雨一洗六合妖氛收
丈夫百年等一死死得其所鴻毛藉我知精誠耿不滅白虹貫
日霜橫秋潮頭不作子胥怒地下當與龍逢遊長歌落筆增慷慨

慷慨我髮堅寒鐵鑿燈前山鬼忽悲獻鐵面御史君其羞是月
授南臺侍御史故云

田家謠

五月軍回未有期不禁烟瘴入枯脾馬頭一骨還家日只有弓

刀似舊時

縣瓠城歌

李材

我經懸瓠城試作懸瓠歌殘灰五百載懸瓠不復我有唐中葉
失馭將退辱進危多詆謗漢西孽離手指天百萬官兵不敢傍
長安市上畫殺人司隸走藏魂膽喪晉公一語破紛紜意斷心
謀神莫抗諫書不到雙闕下詔檢初成九天上煌煌日月煥斧
節慘慘風雲動鞞報殿前虓虎神策軍想武通顏分玉帳夜深
雪花大於壁懸瓠城頭血埋仗寒威方勁弓百鈞淨影不搖旗
十丈已囚猗倫山更沸再戮鯨鯢海無浪蔡人不識緹衣兒劍

氣磨天大丞相方城大將拜道左犀甲金戈光炫晃兒髫髻衆
五十秋白日青大破昏漳兒童不遣避介冑婦女爭來沽綠釀
入朝論功功有差晉公之功無與讓英雄事往名器虛粟斯嚙
吮竟相高外滿跋扈驕將侮中禁深巖壁臣誑山東何啻百少
湯秦苑洛湯渣板蕩我歌懸瓠辭歌聲頗悲壯嗚呼唐之覆車
將誰尤後人吊古從哀滄懸瓠城下汝水流懸瓠城邊牧笛唱
懸瓠歌已終君不見豐碑野火化為土帳望文公及晉公

水荒子歌

鮮于樞

水荒子日日悲歌向城市辭危調苦不忍聞妻孥散盡餘一身
城中米貴巧者衆崎嶇一飽經千門城中昔食城外米城外人
今食城裏耕者漸少田漸荒政恐明年不如此水荒子行歌乞
食良不惡猶勝弄兵獄中死

水荒子聽我語忍死休離去鄉土江中風浪大如山蛟鱓垂涎

寧貴汝路傍暴客掠人膏性命由他還更苦北風吹霜水返壑
稍稍人烟動墟落賑濟欲下逋負除比著當年苦爲樂水荒子
區區更弊何時無聞早還鄉事東作

湖上曲

鮮于樞

湖邊蕩槳誰家女綠慘紅愁問無語低回忍淚並人船貪得纏
頭強歌舞玉壺美酒不消憂魚腹熊躡棄如土陽臺夢短匆匆
去鴛鴦生寒愁日暮安得義士擲千金坐令桑濮歌行露

烈婦行

趙孟頫

至元七年冬濱州軍士劉平之戍棗陽與其妻胡俱道宿車下
爲虎所得起追及之殺虎脫其夫吾聞之中原賢士大夫如此
乃爲感激慷慨作烈婦行以歌之
宿車下夜半憐逢猛虎夫命懸虎口婦怒髮指天士步之內
容車何憐憐夫挽婦爲推問君將安去言往棗陽戍官事有程

血相濺夫難再得虎可前寧與夫死母與虎生呼兒取力力與
爭虎死夫活心始平男兒節義有如許萬歲千秋可以事明主
馮婦卞莊安足數嗚呼猛虎逢尚可審成審成奈何汝

沉沉行

虞集

沉沉天字玄以黜星河如銀垂近人牛羊漫散草多露大帳中
野亭無溝去年八月羽書急婦女上馬小兒泣今年八月天子
來身屬繫鞅月中立

車簇簇行

馬祖常

李陵臺西車簇簇行人夜向灤河宿灤河美酒斗十千下馬飲
者不計錢青旗遙遙出華表滿堂醉客俱年少侑盃小女歌竹
枝衣上翠金光陸離細肋沙羊成體薦共許高門食三縣白髮
從官珥筆行囊袍衝雨桓州城

竹枝歌

京城南與侯玩芳亭與
竹洲子方同賞牡丹

馬祖常

城南牡丹二日本翰林學士走馬來渡水楊花逐飛燕剪衣雲
影覆春臺

粟侯宅中花一園客來飲酒費金錢明朝碧樹春城合恨不江

東問酒船

玉環引

送伯庸北上

王士熙

崑山有美棠其喜有寶刀推雪灑寒冰凝此英瓊瑤團團月長
滿其角白雲似似環環無窮寥寥人意遠有美天山人皎潔同
精神禁垣青春多大珮垂朝紳腰無大羽箭肘有如斗印結束
上京行駟駒駟長刺不採珊瑚鈎海深安可求不執水蒼壁漢
庭羅公侯愛此玲瓏質題詩贈鮑容百金一朝限三年不可得
不得只空行山泉琴峽鳴摩崖龍門石憶憶應留情天風北極
高歸途踏霜草不惜玉環分只願君還早

草朝行

王士熙

石城啼鳥翻曙光千門萬戶開未央丞相珂馬沙堤長奏章催
喚東曹即燕山駟騎朝來到雨澤十分九州報輦金馱帛分遠
行龍沙士飽無鼓聲閣中龍狀豕白玉琵琶圍屏海波綠曲闌
五月櫻桃紅舞琴月日彈董風

畫馬歌

范杓

錢君畫人勝畫馬守得名驟妙天下青雲隱約見龍文有意軒
昂駛華夏圍官山立頽而髯朱衣黑帶高帽尖問渠掌握詎有
此牽控寧知人故嫌君不見才士受東縛往往因之縱寒廓

蘇小小歌

辛文房

東流水底西飛魚銜得錢燈紋錦書幾回錯認青驄馬著匙閑
乘油壁車鸚鵡不殘春樹暗浦菊多冷夜忽虛傳子種成用北
岸苦心相望欲何如

李宮人琵琶行

揭傒斯

茫茫青冢春風裏歲歲春風吹不起傳得琵琶馬上聲古今只
有王與李李氏昔在至元中十九辭家來入宮一見 出皇稱
藝絕珠歌翠舞忽如空君王豈為紅顏惜自是它人彈不得玉
觴未舉樂未停一曲便覺千金直廣寒殿裏月流輝太液池頭
花發時舊曲半存猶解譜新聲萬變總相宜三十六年猶一日
長得君王賜顏色形容漸改病相尋獨抱琵琶空歎息興聖宮
中愛更深承恩始得遂歸心時時尚被宮中召強理琵琶弦上
音琵琶轉調聲轉恣 堂上慈親還佇立回看舊賜蒲床頭落花
飛絮春風急

船上謠送伯庸以未由貨事奉使閩浙

宋本

江華江月要才情多痛堪憐馬長卿莫向都門折楊柳帝鄉春
色不南行
流求貞蠟榜閩海日本辰韓蕞貂倭番船去時遺石年年到

更海無波

朱張死去十年過海寇 凋零海賈多南風六月到岸酒花股篙

丁未樂何

湧金門外是西湖堤上垂楊盡姓蘇作得吳趨阿誰唱小鄉墳

上露蘭枯

舊時家近黑橋街三十餘年不往來憑仗使君一問訊楊梅銀

杏幾回開 予以至元廿六年出杭故居東南隅四條巷旁有橋

名異橋居有楊梅銀杏一樹在巨井上

閩中父老白髮鬚老子風流記得無昔日郎君騎竹馬如今使

者駕輜車 伯庸之先嘗仕閩中

素馨華畔十八娘炎雲瑞露酌天漿一日供厨二百顆使君館

券莫支羊

薰陸胡椒膻膾明珠象齒駭雞犀世間莫作珍奇者解使英

雄價盡低

東海澄清南海涼公厨海錯照靈觴郎君煮好江瑤脆水母綠

明烏賊香

明年歸路蹋陽和缺胯輕衫剪越羅春風通惠河頭路濃與官

家得寶歌

國朝文類卷第四

國朝文類卷第五

七言古詩

鄧州城樓

元好問

鄧州城下湍水流鄧州城隅多古丘隆中布衣不復見浮雲西北空悠悠長鯨駕空海波老鶴叫月蒼煙熱自古江山感遊子今人誰解賦登樓

吊故宮

杜瑛

月上觚稜椒壁濕飢鳥啄碎琅玕石劫灰飛盡海揚塵廢殿荒臺土花碧洛陽書生汴梁客一夜春風頭欲白尊中賴有酒如泉醉倚寒窗破愁寂

巨源相過話舊有感

王磐

中統三年春二月變起青齊帶吳越鯨鯢轉側海波翻城郭橫尸野流血我時梓苦賦中來兵塵糲糊眼不開妻孥棄指對虎

口飛蓬飄轉車根
天寒日暮齊河縣
破驛荒涼絕烟燧
驛馬鉞如蛙
官吏散逃無處喚
與君此地忽相逢
行臺郎中氣
勢雄憫我白頭
遭喪亂壯我臨難
全孤忠急呼驛吏
具鞍馬使
杖危路還亨
通明晨相隨
濟南去出入
條侯營壘中
死生契濶
不相棄
起居飲食常相同
標山華注日在眼
綿歷春草及秋風
四郊斫木桑柘盡
漂源飲馬波濤空
竟渠腰領膏野草
始見齊
魯收烟烽
巨源君且坐
我欲高歌君可和
往事回頭十五
年猶相離魂
招楚些身逢喪亂
百憂纏生不成名
空老大我依
破硯竊恩榮
君在雄藩收最課
流萍暫聚不多時
且喜相看顏
一破我衰無力訪
君難願君有暇頻
相過

有懷梁仲經文

楊奐

美人榮榮在何處
海闊天低隔烟霧
珊瑚零落芙蓉空
咫尺相望迷去路
翠輦金輿雙鳳凰
風吹環佩聲琅琅
虛觴狼籍事已

往一日萬里愁
茫茫劉郎竟是誰
家客歲晚霜華
林葉赤美人
榮榮在何處
鴨綠江頭江月白

金大子允恭墨竹

劉因

墨龍江頭氣鬱蒼
武元射龍江水中
江聲怒號久不瀉
破墨揮灑餘神功
天人與竹皆真龍
墨竹以來九馬空
人間只有墨君
堂何曾夢到瓊華宮
瑤光樓前月如練
倒影自有河山雄
金源大定始全盛
時以漢文當世宗
興凌為父明昌子
樂事孰與東宮同
文采不遜焦土盡
風節直與幽蘭崇
百年圖籍有蕭相
一代英雄誰蔡公
策書紛紛少顏色
空山夜哭遺山翁
我亦飄零感白髮
哀歌對此吟雙蓬
秋聲瀟瀟來晚風
極目海角天無窮
墨龍江見金文
幽蘭軒義宗死所
許之張蔡公以金
實錄歸遺山書
就公謄錄此軸
亦公得于許之中
秘者公之子仲仁
持以求予詩
故終篇及之

金太子危恭唐人馬

劉因

道人神駿心所憐天人龍種畫亦然房星流光忽當眼徑欲攬
轡秋風前漢家金粟幾蒼煙江都筆勢猶翩翩東丹獵騎自豪
貴風氣惜有遼東偏天人秀發長白山畫圖省識開元年金源
馬坊全盛日四十萬匹如秦川天教劫火留此幅玉花浮動青
連錢英靈無復汗石馬悲鳴真似泣金僊只今回首望甘泉汾
水繁華鴻影邊奇探竟隨鞭跡盡兀坐死在驊騮先人間若有
穆天子我詩當作祁招篇

陳氏莊

劉因

陳氏園林千戶封晴樓水閣圍春風翠華當年此駐蹕太平天
子長楊宮浮雲南去繁華歇回首梁園亦灰滅淵明亂後獨歸
來欲傳龍山想愁絕今我獨行尋故基前日家僮白髮垂相看
不用吞聲哭試賦宗周黍離離陳氏先父之外家也金章小每

遊獵必宿其家則明詔先父龍山指蓋嘉事

渡白

劉因

東北天高連海嶼太行蟠如怒虎一聲霜雁界河秋感慨孤
懷幾千古只知南北限長江誰割鴻溝來此處三關南下望風
雲萬里長風見高舉萊公灑落近雄才顯德十年亦英主謀臣
史臣強解事枉著渠頭汗吾數十年歲硯自庸奴五載兒皇安
足教當時一失榆關路便覺燕雲非我土更從晚唐望沙陀自
此橫流穿一縷誰知江北杜鵑來正見海東青鳥去漁陽搥鼓
鳴地中鷓鴣飛滿梁園樹黃雲白草西樓暮木葉山頭幾風雨
只應漢上黃龍府比似楚岡更愁苦天教遺壘說向人凍雨頑
雲結淒楚古柝幽煎多義烈嗚咽泉聲馮餘怒仰天大笑東風
來雲放殘陽指歸渡

宋徽宗賜周準人馬圖

劉因

筆底金鞍在，蕭英誰云不博降。王長汴梁門外若雲屯，畫本相看應自賞。十載青衣夢故都，經營慘淡欲何如。只除金粟呼風鳥，曾見昭陵鐵馬趨。

宋理宗書宮扇

劉因

杭州宮扇二好事者得之，燕市一畫雪夜，長舟一畫二色菊。理宗題其背，有興盡為期及晚節寒香之句。諸公賦詩，予亦同作。天津月明啼杜鵑，梁園春色凝寒烟。傷心莫說靖康前，吳山又到繁華年。繁華幾時春已換，十秋萬古合歡扇。朋雀香牖見曩痕，秋去秋來幾因怨。一聲白鴈更西風，冠蓋散為煙霧空。百歲鞭蹄天留在，禍胎要鑿驪山宮。當時夢裏金銀闕，百子樓前無六月。瓊枝秀發後庭春，珠簾暗捲天門雪。擘歌一曲白雲秋，不覺金人淚暗流。乾坤幾度青城月，扇影無情也解愁。五雲回首燕山北，燕山雪花大如席。雪花漫漶水裁，大風起兮奈爾何。

登荆軻山

劉因

兩山巉巖補天色，中有萬斛江聲哀。人言此地荆軻處，尚餘廢壘山之隈。太子西來函閔開，誰信生兒為禍胎。筆頭新取江山去，已覺全燕如死灰。馬遷尚俠非史才，淵明憤世傷幽懷。春秋盜例久不舉，紫陽老筆生風雷。遺臺古樹空崔嵬，平蕪落日寒煙堆。紛此世亦良苦，今古燕秦經幾回。憂來徑欲浮蓬萊，安得魯連同一盃。碣石東頭喚羨門，六鰲載我三山來。

幼安濯足圖

劉因

漢家無復雲臺功，生平不識大耳公。眼中天意鏡中語，此身只有扁舟東。關東諸公亦英雄，百年能辨山陽封。歸來老柏號秋風，世路悠悠七十翁。乾坤故物兩足在，霜海浮雲空復空。無刀可斷華太尉，有死不為丕太中。丹青白帽凜水雪，高山目送冥飛鴻。為問蘇家兄弟萬古北海誰真龍。

長公愛文亭項公愛

幼安蓋氣貫各以類云

歸去來圖

劉因

淵明豪氣昔未除翱翔八表凌大衢歸來荒徑手自鋤草中
皇劉寄奴中年欲與夷皓俱晚節樂地歸唐虞平生磊一物
無停雲懷人早所圖有酒今與龐通沽眼中之人不可呼哀歌
撫卷聲嗚嗚

淵明歸來圖

盧摯

留侯晚歲游赤松武侯早歲擬卧龍亡秦扶漢聲隆淵明初
非避俗翁兩侯大節將無同陽秋特書晉甲子碎鋒時露長沙
雄王弘何幸奉吾足督郵能芥平生自門前五柳春濛落絮
不與江波東環堵蕭然吾未窮北窓儘有羲皇風畫圖不盡千
古意詩成一笑浮雲空

淵明歸來圖

尚野

羲皇上人鄉里兒田園將蕪非所思楚聲雖託絕然對高情千
古歸來辭歸來忽復河山移忠憤意切語益微白雲遙望不
極東籬舊菊西山薇夷齊奚疑然耶非况乃貌此遺世姿文行
圭璧照方冊飄然髣髴生同時子雲擬聖諸儒譏法言美新吾
誰欺考亭夫子春秋筆昭然晉莽日星垂

過黃陵廟

李材

黃陵廟前湘水綿天寒漁郎唱巴曲沙棠舟上月蒼翠蛟白
蜃江茫々似聞清梵五十柱萬里鴻飛楓葉暮神鴉翻舞祠門
開珠裳玉袖霏莓苔玄猿盡啼羅薛影赤鱗夜去芙蓉冷北渚
淚痕斑竹紋南風哀思蒼梧雲山頭古桂秋露碧山下江流豈
終極荒涼揭車雜杜蘅靈風自吹煙霧旌輕帆恍向芳洲泊聊
薦蘋羞奠蘭酌沉有記方湘有沱洞度木落生層波裴回獨詠
騷人歌

金人出塞回

虞集

海風吹沙如捲濤高為陀磧深為壕築壘其上嚴周遭名王專
居氣振豪肉食渾飲田為敖八月草白風颼馬食草實輕骨
七加弦試弓復置橐今日不樂心怪：什：伍：呼其曹銀黃
免鶻明繡袍鷓鴣小管隨鳴靴背孤向虛出北臯海東之鷲王
不騎錦鞞金鍔紅絨條按習久蓄思一超是時晶清天翳絕鷲
鷲東來雲帖：去地萬仞天一瞥離婁屬望目力竭微如聞音
鷲一掣束身直上不回折遂使孤飛一片雲頃刻平蓋洒毛血
爭誇得雋頰足悅旌旗先歸向城闕落日悲風起蕭屑烟塵滿
城鼓微咽大首要王具甘歡王亦欣然沃焦熱閱文出迎騎小
賦琵琶兩姬紅額頰舞歌迭進醉燭滅穹廬斜轉罷皓月

董元夏景山口待渡圖

虞集

董元夏山何可得嘉木千章鐵作畫層亦總含雨氣潤百谷正

受川光溢犬牙洲渚善淤洄滄江散落碣石開山田何處無耕
鑿尋源不得選徘徊柳下行人將有適臨流不度心為側我揖
孔堅舟孔安奉子以濟諒非難

送孟脩兄南歸

虞集

老兄五月來作客八年不見頭總白五人兄弟四人在每懷中
郎淚霑臆我家蜀西忠孝門無田無宅惟書存兄雖篋庫實父
蔭弟竊餘澤承君恩文章不如仲氏好叔氏最少今亦老土部
十歲未知學嗟我胡為長遠道諸兒讀書俱不少又不力耕知
奈何憂來唯得二三友看花把酒臨風歌蜀山嵯峨歸未得盤
先隴臨川剛碧梧翠竹手自移應與青松各千尺南風吹雪
河始冰兄歸烏帽何異明年乞身向天子共讀父書歌太平

寄鄉友

馬祖常

河邊父老念我出遠寄京華書一行謂言白髮今多少又報南

因竹樹荒門前石田杭林孰憤子新生走如鹿莫恋官家石俸
感長年作客身如束

送蘇公赴嶺北行省郎中

王士熙

居庸關頭亂山積李陵臺西白沙磧畫省即官貂帽側飛雪
驚馬羈濕馬蹄雪深遲行冷月悽雲塞垣明感甲無光烽不
驚高營角聲如水清明年四月新草生征人賣劍隴頭耕思君
遙遙隔高城南風城樓來鴈鳴

萬竹亭

范梈

誰能買山種萬竹殘年請老住巴蜀結亭更在竹中間四面雲
谿寫山麓風鼓最覺夜眠清雨洗賸延秋陸綠日今不限三千
季日飲定須過百斛隴西仙翁持斧客散馬涼城行新菊爲言
令弟隱滄江如此風流天下獨乃家正在蠶茨野東東琅玕繞
茅屋方知白眼待時人箕踞科頭自爲俗是邦子雲劇博雅開

門草玄食漢祿少綠未識此君心往事微瑕傷白玉使君自是
廊廟具方駕前脩詎爲辱平生抱負勁直廊日暮天寒照空谷
始我瞻望不及終我嘆嗟不足乞官倘或從西遊向子亭
邊祝黃鵠

幽溪書堂

謝端

趙之川源浸沫易恒滙沃汶各異出惟滋有溪亦是匹或伏或
見刀不容不能百里滹是從混混千里俱朝宗子襄涉河觀湖
江蹕雲蕩日怒擊撞歸視子滋嶺之隴是滋名揚子所始有田
有廬水之洙有堂三楹庫非侈中經子史堂右左高曾遺子以
自課子廼善繼志不惜菑今撫古挾恠奇泓涵演迤吐爲辭副
墨往傳京師贏金青紫世所取滋溪有源而有後斯堂斯書
可世守

雜言

觀雷溪

劉因

飛狐天下脊老氣盤亘回三江瀉天怒合為一水東南來此勢
不殺令人愁石門喜見西山開未補青天裂誰鑿渾沌胎奇聲
猛狀萬二台山根幾許猶崔嵬西山倒傾瀾百丈逢顛崖先聲
動毛髮餘爽開襟懷初疑萬壑轉奔石竟像髣髴坤軸摧又疑
鼓角鳴地中百步未到仍徘徊荒祠下石磴駭日何雄哉春風
不到太古雲今日乃得冒中雷穿石誰能窮窟宅流沫勢欲浮
蓬萊平生芥蒂今寒灰兩耳到骨無纖埃鄙元筆頭天下水石
頭之奇猶見推乃知茲游亦奇絕快弄素霓竟瓊瑰東崖一片
石坐拂十年苔為招即山君共捲長鯨盃江妃為搥靈鼓催赤
鯁躍出銀山堆先生醉來泉灑面狂歌一和湍聲哀

游郎山

劉因

昨日山東州馬耳索御凌風嘶今日軍市中不覺已落山之西

山之面昔一無異不待風煙變化神已迷危關度雲巔亂石通
荒蹊林間小草不識風日自太古我行終日向羨木杪幽禽啼
但見雨色來雲物颯以淒忽然長嘯得石頂痛快如御駿馬蹄
萬里來長風五色開晴靄長劍倚天立皎潔瑩鵬鶴平地拔起
不傾側物外想有神物提詩家舊品嵩少同畫圖省見巫山低
誰令九華若獨與八桂齊千態萬狀天不知敢以兩目窮端倪
騫騰誰避若飛隼側轍何屈如怒腕十年落窮邊煙草寒萋萋
若非野亭書生此鄉國物色誰省曾分題鄒道元注水經說郎
山形勢最真今承郡有野亭其先世所居也乾坤至寶會有待
豈有江山如此不著幽人棲頗聞山中人雲間時聞犬與雞只
疑名山別有靈境在不許塵世窮攀躋不是先生南游有成約
徑欲共把白雲犂九疑窺衡湘高穴探會稽玉井爛賞金芙蓉
日觀倒捲青玻璃風煙回首莫蕭灑南游準擬相招携

岳陽樓

張經

巴陵形勝甲天下郡治西南有樓曰岳陽盡得巴陵之勝至元
 丙戌余以監察御史按臨長沙道出巴陵凡一往返不暇一登
 甲午夏備負湖北憲司分司于辰始得以酬平昔之志噫湖山
 如此造物者何其靳邪因留數語以識歲月云
 洞庭一水七百里烟朝日夕皆經過豈知斜陽萬里更有一佳
 處君山十二盤青螺乾坤有此樓萬古高嵯峨憶昨長江咫尺
 限南北風烟盡本一日十摩挲今朝快一登恍若驅沉疴生平
 所羨鑑湖請乃今更覺君恩多湘靈也似知我至時令白鳥來
 婆娑戲笛紫荊曲春草黃陵歌江山一醉謾不省悲風落日生
 白波愛山愛水亦非癖奈此日月始飛梭彭蠡銀山堆碧海青
 銅磨武昌雲間嘆黃鶴米石天外愁青蛾詩家割批幾今古元
 氣發泄天不訶扁舟歸來月一羨仙槎已候三山阿吾欲乘興

觀鼠河

題丁氏松澗圖

鄧文原

天目之峰凌紫烟下周林壑紆長川清池斗絕海倒影神運直
 自疏鑿先彼美幽貞廬間房曲奧辛夷荃蒼蒼官手植經幾年靈
 蚪大矯今參天門前朝流暮流水但聞激石瀉瀨鳴淅淅山人
 養真衡茅下有書可讀琴可弦意行清間曲長嘯松風前山月
 出林高溪花弄春妍仙人欲來夜將半天空鶴唳山淒然颺塵
 大笑狂馳子口誦丹訣傳直玄我欲從之結隣屋待充藥圃謀
 芝田

我本山人素志丘壑獲歸名山為願畢矣爰以四月十一
 日離京師是夜抵潞陽慨然賦詩遙慰巨廬隱者併以寄
 金門諸公為一喙云

李嗣

野馬脫羈鞅倏疑天地寬臨風一長鳴風吹散入青冥問頗如

魯仲連蹈海不復還又如安期生長留一綰令人看江南浩蕩
忽如海落日照耀浮雲閑既不能依肩伏氣雅心顏詭遇特度
驚冥頑又不能抱書挾策千萬乘調笑日月掃迴益匡廬足追
接仙山仙翁泛若秋雲閑長松之陰引孤鶴望我不見空長歎
采鉛天池津飲沛桃花灣蒼梧倒影三湘寒赤城霞氣生微瀾
鯨鯢翻空海波赤曉色破上扶桑難人間之樂葦誠不足恃何
如歸卧棲巖巒棲巖巒卧巖穴夜半天風吹酒醒猶有西溪萬年月

先天觀

范村

學仙之人與山為徒往在台廬之奧湖江之區張公鍊丹作
龍虎丹成御氣游六虛後來出者絕代無復有逸人住玄都玄
都之壇角井孤上摩萬里之黃鶴下伏十尺之甌窺陰森捨箱
自太古斬種力與開闢俱轉桑朝日挂絕壁坐見觀閣青糝糊
壁虛控弦寫哀壑秋春雲露之田服我亦人間山澤臞儒陪時

龍賓唐虞有時一醉黃公壚震風三日撼不蘇折華不得度弱
水揮手始識仙凡殊玉堂學士危與吳邊我茲山之畫圖尋認
數戶久歎息魚因置我雙榜蒲獨行幽人不受掃華青閣聰
啼鳥日暮蘿徑相縈紆相縈紆向何處明朝為借麻姑鵬我亦
騎之上天去

雜體

入安南絕不作詩清明感事集句

陳孚

十里宜春下苑花五年寒食住京華自憐慣識金蓮燭奉使虛
隨八月槎
回首扶桑銅柱標芙蓉帳暖度春宵清明寒食誰家哭折戟沉
沙鐵未消
水流花謝兩無情獨上高樓望帝京閑憶金明池上路人生看
得幾清明

江東行客思悠哉不盡長江哀
上越王臺
台州城俯海冥冥人踏金鰲背上行獨在異鄉為異客無花無
酒過清明
慈母年高鶴髮垂鄉書無鴈到家遲初過寒食一百六一日思
親十二時
共藉梨花作寒食盃光舉案與眉齊越裳翡翠無消息夜合花
前日又西
寒食家之出古城蒲川風雨看潮生八千里外飄零客起向朱
櫻樹下行
一百五日寒食雨風先別我苦吟身尚書氣與天香同是天
涯流落人
海乘槎上紫氣清明時節雨紛紛虎牙銅柱皆傾倒水盡天

南不見雲

遠遊聯句姑蘇伯長同留
海鵬跨南雲一去扶浩蕩宛駒踏北雪絕足追來稟翰宵征車
黃脂明發燈在幌行邁念悄離然懷養哀連吳始接浙邊
越猶指掌虹網結長思羯鼓從新響觴至不復辭柳駕送誰能
彷彿堂企棟梁武庫須篠篋林同翔瑋哀學媿蔭麻長大施
朱弦清小箏金莖沉雲間鶴孤唳柳天外鴻橫上脫聆斫輕水
午店越平壤追攀瞰烟濤哀涉歷走鹿鞅情淮橋柳竦薄霧裘
騎駛風臺牛一鳴柳日觀雞三唱團桑沃如蓋宿草亂若繼青
帝容古酒哀素鬣漁收網心觀洙泗流眼豁恒岱哀追程騎侵
雲柳勸耕農植杖俗厚喜豐登氣快存柳憶伊河既東流哀維
牛復北仰誰云風土殊始覺宇宙廣骨筭終柳冠騰神情誰柳憤
釣天夢豈真柳廣寒步空想銖衣入閭闔芥粒視北垞十官紫

府榮九奏彤庭暢瑞文前金炬哀展案簇天仗清都陶咫尺弱
水謾方丈絳旗雲霧開寶扇日月先仁聲被八表痴德意昭羣
泥檢控封崇芬馥嚴勝蟹瑞氣藹重々泰階瞻西々馳蓬出
天厨哀哀踈腸中婦鳴珂接俊彦正笏處偏黨德人笑採芝圃
容柔拾椽茅拔要有方楠矢來本無鴛湘繫但琬詞越相僅金
像遭謔氣徒憤得計身何往豈如及承平相與窮昭君行出
飄飢我滯心悒快輕霜著衰帽哀微雪留草芥離歌出兼葭古
製却益益先登匪一獲後至敬孤獎城南登火深漏寒北音書
駐春風漸披拂臘水將隄涕詩成愈加險西盡未為覆雙眸秋
水烟衰累語春波盪經行度崎危交及希個僅窮遊棄楚荒遠
容憐齊僖光陰尺璧重楠事業千金賞行題題復觀鴻都
榜時未戒步窘事至勿投瘞脂膏本凡近哀鐵石乃忠謹詞林
納庇美書田計荒穰列仙會儒癯羣桓吏孰陸生強吟嘍陶

終翫憐清心百士避正色上帝饗徒為捧心施莫學畫眉故
功名要魚心造物端有相行行遂初志楠持記壽囊楠

國朝文類卷第五

